

Broj: 03-01-304-6/19  
Tuzla, 05.06.2019. godine

Na osnovu člana 70. stav 3. Zakona o javnim nabavkama Bosne i Hercegovine ("Službeni glasnik BiH", br.39/14), Zapisnika o ocjeni ponuda Komisije za javne nabavke br. 03-01-304-4/19 od 05.06.2019. godine i preporuke Komisije na osnovu Izvještaja komisije broj 03-01-304-5/19 od 05.06.2019. godine u postupku javne nabavke: nabavka i isporuka usluga osiguranja 2 nova teretna motorna vozila za potrebe JKP „Saobraćaj i komunikacije-Tuzla“ doo Tuzla, a u skladu sa članom 61. Statuta JKP „Saobraćaj i komunikacije-Tuzla“ d.o.o. Tuzla broj: 01-04-756/17 od 29.09.2017. godine, sa izmjenama i dopunama broj 01-03-249-5/18 od 06.04.2018. godine, Direktor JKP „Saobraćaj i komunikacije - Tuzla“ d.o.o. Tuzla donosi:

## ODLUKU O IZBORU NAJPOVOLJNIJEG PONUDAČA

### Član 1.

Prihvata se preporuka Komisije za javnu nabavku po Izvještaju broj 03-01-304-5/19 od 05.06.2019. godine i Ugovor za javnu nabavku: nabavka i isporuka usluga osiguranja 2 (dva) nova teretna motorna vozila za potrebe JKP „Saobraćaj i komunikacije-Tuzla“ doo Tuzla, dodjeljuje se ponuđaču „**Sarajevo-osiguranje**“ dd Sarajevo, Maršala Tita 29, 71 000 Sarajevo, ponuda broj 1-2917/19 od 29.05.2019.godine, za ponudenu ukupnu cijenu od **1.504,00 KM bez PDV-a**, kao najbolje ocijenjenom ponudom.

### Član 2.

Ugovor o nabavci, u slučaju da na odluku o dodjeli ugovora nema žalbe, u skladu sa članom 72. Stav 1.Zakona o javnim nabavkama, dostavit će se na potpis izabranom ponuđaču „**Sarajevo-osiguranje**“ dd Sarajevo, Maršala Tita 29, 71 000 Sarajevo u roku od 15 dana, računajući od dana kada su svi ponuđači obaviješteni o izboru najpovoljnije ponude.

### Član 3.

Ova Odluka objavit će se na web stranici Društva [www.siktz.ba](http://www.siktz.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

### Član 4.

Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj 03-01-304/19 od 13.05.2019. godine.

Javna nabavka je sprovedena konkurentskim postupkom.

Procijenjena vrijednost nabavke bez PDV-a je 4.000,00 KM.

Obavještenje o nabavci broj 1258-7-2-269-3-18/19 od 16.05.2019. godine.

Komisija za javnu nabavku imenovana je Rješenjem o imenovanju broj 03-01-304-1/19 od 13.05.2019. godine.

Komisija za javnu nabavku dostavila je dana 05.06.2019. godine Izvještaj o radu broj 03-01-304-5/19 i preporuku o izboru najpovoljnijeg ponuđača u postupku javne nabavke: nabavka i isporuka usluga osiguranja 2 (dva) nova teretna motorna vozila za potrebe JKP „Saobraćaj i komunikacije-Tuzla“ doo Tuzla.

U postupku po Izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuda, o čemu je sačinila odgovarajuće Zapisnike, u kojima je utvrđeno sljedeće:

- Ukupan broj pristiglih ponuda je: 2 (dvije);
- Blagovremeno zaprimljeno: 2 (dvije) ponude;
- Neblagovremeno zaprimljenih ponuda nije bilo;
- Ponuda ponuđača „**Sarajevo-osiguranje**“ dd Sarajevo, Maršala Tita 29, 71 000 Sarajevo je potpuna, prihvatljiva i najpovoljnija.

Nadalje, u postupku ocjene provedenog postupka, Direktor JKP „Saobraćaj i komunikacije-Tuzla“ doo Tuzla nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o izboru najpovoljnijeg ponuđača data u skladu sa Zakonom o javnim nabavkama, podzakonskim i internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog:

- najniže cijene, i to:

	Naziv ponuđača	Ukupna cijena ponude
1.	„Sarajevo-osiguranje“ dd Sarajevo, Maršala Tita 29, 71 000 Sarajevo	1.504,00 KM

Iz navedenog razloga, primjenom člana 64. stav 1. tačka b) Zakona o javnim nabavkama, odlučeno je kao u članu 1. ove Odluke.

#### POUKA O PRAVNOM LIJEKU:

Protiv ove Odluke, u skladu sa članom 101.stav 5. Zakona o javnim nabavkama, može se izjaviti žalba najkasnije u roku od 5 dana od dana prijema ove Odluke.

Dostaviti:

- „Sarajevo-osiguranje“ dd Sarajevo, Maršala Tita 29, 71 000 Sarajevo
- WIENER OSIGURANJE VIG AD Banja Luka, Poslovnica Tuzla, I inženjerske brigade bb, 75 000 Tuzla
- web stranica Društva: [www.siktz.ba](http://www.siktz.ba)
- A/A



DIREKTOR

Goran Jurak, dipl.ofi.pol.